


T2511/1273.34

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
DEC 7 1940

29



哈佛大學漢和圖書館珍藏印

史記評林卷之七十九 范睢蔡澤列傳第十九

范睢者魏人也字叔游說諸侯欲事魏王家貧無

以自資乃先事魏中大夫須賈索隱曰漢書百官表中大夫秦官此須賈為魏昭王使於齊

聞睢辯口索隱曰襄王名法章乃使人賜睢金十斤及牛酒

睢辭謝不敢受須賈知之伏後范睢數費三罪案大怒以為睢持魏國陰

事告齊故得此饋令睢受其牛酒還其金既歸心

怒睢以告魏相魏相魏之諸公子曰魏齊魏齊大

董份曰史記之范蔡傳即莊子之秋水篇開濶與衍壯麗奇博如人現帝臺天闕層宮屬規規模宏遠恍然失矣不讀此者不知文章之大也

按此更名姓曰張祿蓋為後秦號曰張祿而魏不知根本以下仍曰范睢者太史公筆也

怒使舍人笞擊睢折脅摺齒索隱曰摺音力答反謂打折其脅而又拉

折其齒也睢佯死即卷以箒索隱曰箒謂葦狄之薄也置

廁中賓客飲者醉更溺睢索隱曰更音羹溺即溲也溺音年弔反溲音所

留反○正義曰溺古尿字故僂辱以懲後令無妄言者睢從箒

中謂守者曰公能出我我必厚謝公守者乃請出

弃箒中死人魏齊醉曰可矣范睢得出後魏齊悔

復召求之魏人鄭安平聞之乃遂操范睢亡伏匿

更名姓曰張祿當此時秦昭王使謁者王稽於魏

鄭安平詐為卒侍王稽正義曰卒祖忽反王稽問魏有賢

人可與俱西游者乎鄭安平曰臣里中有張祿先

生欲見君言天下事其人有仇不敢書見王稽曰

夜與俱來鄭安平夜與張祿見王稽語未究王稽

知范睢賢謂曰先生待我於三亭之南索隱曰三亭名在魏境之邊道亭也今無其處一云魏之郊境總有三亭皆祖餞之處如今與期三亭之南蓋送餞已畢無人之處所也○正義曰括地志云三亭岡在汴州尉氏縣西南三十七里按三亭岡在山部中

名也蓋岡與私約而去王稽辭魏去過載范睢入

秦至湖關索隱曰地理志京兆有湖縣本名胡武帝更名湖即今湖城也○正義曰今號

州湖城望見車騎從西來范睢曰彼來者為誰王

稽曰秦相穰侯東行縣邑范睢曰吾聞穰侯專秦

權惡內諸侯客索隱曰內音納亦如字內猶入也此恐辱我我寧

從此

董圯曰古之英雄知畧相當其所以為勝負者無他正

如奕棋特爭先法耳曹操赤壁罷婦道經華容地多蘆

蓋先使老弱踐之
以過曰劉備智過
人而見事遲若使
人從火吾屬無類
矣穰侯索范睢之
事類此夫穰侯既
疑有人當即索之
投机之會問不容
髮願去而復來則
已墮睢計中矣後
人論曹操劉備之
強弱穰侯范睢之
成敗不必求諸他
現此二事足矣
余有丁曰睢料穰
侯若燭肝膈胡寧
不能奪其位易置
之耶

且匿車中。有頃穰侯果至。勞王稽。因立車而語曰。
關東有何變。曰無有。又謂王稽曰。謁君得無與諸
侯客子俱來乎。無益。徒亂人國耳。王稽曰。不敢。即
別去。范睢曰。吾聞穰侯智士也。其見事遲。鄉者疑
車中有人。忘索之。索隱曰。索搜也。先格反。於是范睢下車走
曰。此必悔之行。十餘里。果使騎還索車中。無客。乃
已。王稽遂與范睢入咸陽。已報使。因言曰。魏有張
祿先生。天下辯士也。曰。秦王之國危於累卵。正義曰。說苑云。晉靈公造九層臺。費用千金。謂左右曰。敢有諫者。斬荀息。聞之上書求見。靈公張弩持矢見之。曰。臣不敢諫也。臣能累十二博棊。加九雞子其上。公曰。子為寡人作之。荀息正顏色。定志意。以棊子

凌約言曰。將敘范
睢上書。先提時事
與用事之人一段
下文方有頭緒。此
是文字一机軸。

置下加九雞子其上。左右懼。留息靈公。氣息不續。
公曰。危哉。危哉。荀息曰。此始不危也。復有危於此
者。公曰。願見之。荀息曰。九層之臺。三年不成。男不
耕。女不織。國用空虛。隣國謀議將興。社稷亡滅。君
欲何望。靈公曰。寡人之過也。乃至於此。即壞九層臺也。
得臣則安。然不可以
書傳也。臣故載來。秦王弗信。使舍食草具。索隱曰。謂亦舍之。而食以下客之具。然草具。謂籩食。草菜之饌具也。待命歲餘。當是時。昭王
已立三十六年。南拔楚之鄢郢。楚懷王幽死於秦。
秦東破齊。潛王常稱帝。後去之。數困三晉。馱天下
辯士。無所信。穰侯華陽君。徐廣曰。華一作葉。○索隱曰。穰侯。謂冉宣太后之異父弟。穰縣在南陽華陽。君羊戎宣太后之同父弟。亦號為新城。若是也。昭王母宣
太后之弟也。而涇陽君高陵君皆昭王同母弟也。

邵銳曰雖從策中
來每易一句或一
字自佳

穰侯相三人者更將有封邑以太后故私家富重伏後宝器

於王室及穰侯為秦將且欲越韓魏而伐齊綱壽穰侯傳作剛壽

欲以廣其陶封范雎乃上書曰臣聞明主立政索隱

曰戰國策有功者不得不賞有能者不得不官勞

大者其祿厚功多者其爵尊能治眾者其官大故

無能者不敢當職焉有能者亦不得蔽隱使以臣

之言為可願行而益利其道以臣之言為不可久

留臣無為也語曰庸主賞所愛而罰所惡明主則

不然賞必加於有功而刑必斷於有罪今臣之曾

不足以當榘質索隱曰榘音陟林反榘者莖榘也質劉刃也謂腰斬者為榘質也

而要不足以待斧鉞豈敢以疑事嘗試於王哉雖
以臣為賤人而輕辱獨不重任臣者之無反復於

王邪且臣聞周有砥礪宋有結綠梁有縣黎薛綜曰縣

藜一曰楚有和朴正義曰縣音玄劉伯莊云珍玉朴也此四寶者土

之所生良工之所失也而為天下名器然則聖王

之所弃者獨不足以厚國家乎臣聞善厚家者取

之於國善厚國者取之於諸侯天下有明主則諸

侯不得擅厚者何也為其割榮也索隱曰割榮即

權良醫知病人之死生而聖主明於成敗之事利

則行之害則舍之疑則少嘗之雖舜禹復生弗能

董份曰割榮意已
指穰侯等而不可
明言故微及之

史記卷七十九 九世文舉刊專 徐

董份曰唯此書淺言之則不足以感王深言之則立僂事故其心最苦又曰情竭辭急不如是不足感人也余有丁曰亡字轉語猶言無乃也索隱解輕蔑非是

董份曰動昭王處唯以言最深所謂危以激之也凌約言曰秦王國事之非在尊太后

改已。語之至者臣不敢載之於書。其淺者又不足

聽也。意者臣愚而不概於王心邪。徐廣曰一作概音同。○索隱曰

戰國策概作關謂關涉於王心也。徐作音同非也。亡其言臣者賤而不可

用乎。索隱曰亡猶輕蔑也。自非然者。臣願得少賜游觀之間。

望見顏色。一語無効。請伏斧質。於是秦昭王大說。

乃謝王稽。使以傳車召范雎。徐廣曰一云使持車。○索隱曰徐按戰國

策文。於是范雎乃得見於離宮。正義曰長安故城本秦離宮在雍長

安北十里也。詳為不知永巷而入其中。正義曰永巷宮中獄也。王

來而宦者怒逐之。曰王至。范雎繆為曰秦安得王。

秦獨有太后穰侯耳。欲以感怒昭王。昭王至聞其

穰侯范雎說秦之要在廢太后穰侯故未見秦王而先設此計以感之預為進言地耳

余有丁曰洒然非但敬肅兼有恐懼意

董份曰此處欲言不言最妙然非善形容不能見其次

王維禎曰三跪請而不言以嘗試其意耳

與宦者爭言。遂延迎。謝曰寡人宜以身受命久矣。

會義渠之事急。寡人旦暮自請太后。今義渠之事

已寡人乃得受命。竊閔然不敏。索隱曰鄒誕生本作惛然音昏又一

敬執賓王之禮。范雎辭讓。是日觀范

雎之見者。羣臣莫不洒然變色。易容者。徐廣曰洒然敬肅之貌。先典反。

秦王屏左右。宮中虛無人。秦王跽

而請曰。索隱曰跽其紀反。跽者長跪兩膝被地。先生何以幸教寡人。

范雎曰唯唯。有間。秦王復跽而請曰先生何以幸

教寡人。范雎曰唯唯。若是者三。秦王跽曰先生卒

不幸教寡人邪。范雎曰非敢然也。臣聞昔者呂尚

已巳卷七九 七九 七九

楊慎曰箕子接輿
應上為厲為任字
臣有何恥應上恥
字此段言為厲為
狂不足以為臣恥
也
茅坤曰提一个臣
何患一个臣何憂
一个臣何恥未系
以臣之所恐云云
昭王焉得不感發

楊慎曰末言旁辱
之事必以之患臣
不敢畏也旁辱即
為厲為狂也臣不
敢畏也應前非有

囚終身不復見。是臣之說行也。臣又何憂。箕子接
輿漆身為厲。被髮為狂。無益於主。假使臣得同行
於箕子。可以有補所賢之主。是臣之大榮也。臣有
何恥。臣之所恐者。獨恐臣死之後。天下見臣之盡
忠而身死。因以是杜口裹足。莫肯鄉秦耳。足下上
畏太后之嚴。下惑於姦臣之態。索隱曰態謂姦居
深宮之中。不離阿保之手。終身迷惑。無與昭姦。正義
曰昭明也無與明其姦惡。大者宗廟滅覆。小者身以孤危。此臣
之所恐耳。若夫窮辱之事。死以之患。臣不敢畏也。
臣死而秦治。是臣死賢於生。秦王聽曰。先生是何

畏而不敢言也字
眼極有關鍵

凌約言曰此時昭
王之心惟恐范雎
不言秦國不保故
上及太后且欲為
之甘心又何有于
大臣哉此其說得
行而相印終歸之
也

言也。夫秦國僻遠。寡人愚不肖。先生乃幸辱至於
此。是天以寡人恩先生。徐廣曰亂先生也音溷。索隱曰二字竝音胡困反。
而存先王之宗廟也。寡人得受命於先生。
是天所以幸先王而不弃其孤也。先生奈何而言
若是。事無小大。上及太后。下至大臣。願先生悉以
教寡人。無疑寡人也。范雎拜。秦王亦拜。范雎曰。大
王之國。四塞以為固。北有甘泉谷口。正義曰括地志云甘泉山

一名鼓原俗名磨石嶺在雍州雲陽縣西北九十里關中記云甘泉宮在甘泉山上季代永久無復甘泉之名失其實也宮北云有連山土人為磨石嶺郊祀志云云孫卿言黃帝得仙寒仙寒者谷口也按九嶷山中西謂之谷口即古塞南帶涇渭右門也在雍州醴泉縣東北四十里

茅坤曰到此不言
內又只先言外雖
所以深交其君而
後能逐穰侯輩三
人也

隴蜀左關阪奮擊百萬戰車千乘利則出攻不利
則入守此王者之地也民怯於私鬪而勇於公戰
此王者之民也王并此二者而有之夫以秦卒之
勇車騎之衆以治諸侯譬若馳韓盧而搏蹇兔也
索隱曰戰國策云韓盧者天下之壯犬也是韓盧
為犬謂施韓盧而搏蹇兔也喻秦彊言取諸侯之
易霸王之業可致也而羣臣莫當其位至今閉關
十五年不敢窺兵於山東者是穰侯為秦謀不忠
而大王之計有所失也秦王跽曰寡人願聞失計
然左右多竊聽者范雎恐未敢言內先言外事以
觀秦王之俯仰因進曰夫穰侯越韓魏而攻齊綱

壽非計也少出師則不足以傷齊多出師則害於

秦臣意王之計欲少出師而悉韓魏之兵也則不

義矣今見與國之不親也越人之國而攻可乎其

於計踈矣且昔齊湣王南攻楚破軍殺將再辟地

千里正義曰辟
尺亦反而齊尺寸之地無得焉者豈不欲

得地哉形勢不能有也諸侯見齊之罷弊君臣之

不和也興兵而伐齊大破之士辱兵頓皆咎其王

曰誰為此計者乎王曰文子為之索隱曰謂田文
子孟嘗君也猶戰

大臣作亂文子出奔故齊所以

大破者以其伐楚而肥韓魏也此所謂借賊兵齊

董份曰言文子以
喻穰侯
余有丁曰孟嘗去
齊在齊未破之前
此文子或非孟嘗
也

茅坤曰秦之伯業
定于遠交近攻之
一言

茅坤曰始而親韓
魏者陽予之以為
聯屬楚趙之地因
以招齊也楚趙齊
既已內附則兵入
韓魏而彼三國者
不我衡也此亦破
從之術也未幾而
拔魏收韓蓋未嘗
及親之也巳
鮑彪曰遠交近攻
睢之策當矣語未
卒而復欲親之既
親之又欲伐之立

談之間矯亂如此
使人主何所適從
乎若曰某策為上
某次之其可也

盜糧者也索隱曰借音子夜反一作籍亦音同賁音側奚反言為盜賁糧也王不

如遠交而近攻得寸則王之寸也得尺亦王之尺

也今釋此而遠攻不亦繆乎且昔者中山之國地

方五百里趙獨吞之功成名立而利附焉天下莫

之能害也今夫韓魏中國之處而天下之樞也王

其欲霸必親中國以為天下樞以威楚趙楚彊則

附趙趙彊則附楚楚趙皆附齊必懼矣齊懼必卑

辭重幣以事秦齊附而韓魏因可虜也昭王曰吾

欲親魏久矣而魏多變之國也寡人不能親請問

親魏奈何對曰王卑詞重幣以事之不可則割地

而賂之不可因舉兵而伐之王曰寡人敬聞命矣

乃拜范雎為客卿謀兵事卒聽范雎謀使五大夫

縮伐魏拔懷徐廣曰昭王三十九年後二歲拔邢丘客卿范

雎復說昭王曰秦韓之地形相錯如繡秦之有韓

也譬如木之有蠹也正義曰音妬石柱虫人之有心腹之病

也天下無變則已天下有變其為秦患者孰大於

韓乎王不如收韓昭王曰吾固欲收韓韓不聽為

之奈何對曰韓安得無聽乎王下兵而攻滎陽則

鞏成臯之道不通正義曰言宜陽陝號北斷太行

之道則上黨之師不下正義曰言澤路之師不得下太行相救王一

王鏊曰根深而後動

凌約言曰母子之間人所難言者惟意以不廢太后無

與兵而攻滎陽則其國斷而為三正義曰新鄭已南一宜陽令二

澤路夫韓見必三安得不聽乎若韓聽而霸事因

可慮矣王曰善且欲發使於韓范雎日益親復說

用數年矣因請問說曰正義曰問音開臣居山東時聞齊

之有田文不聞其有王也聞秦之有太后穰侯華

陽高陵涇陽不聞其有王也夫擅國之謂王能利

害之謂王制殺生之威之謂王今太后擅行不顧

穰侯出使不報華陽涇陽等擊斷無諱諱畏也高陵

進退不請四賢備而國不危者未之有也為此四

賢者下乃所謂無王也然則權安得不傾令安得

以逐穰侯不逐穰侯無以得相位矣暇計其他哉

按范雎欲得相位必傾太后穰侯但骨肉之間不能直指故方

未見王時即感怒之以植其根及其既見則欲

言不言反覆宛轉以待其自悟至王自言上及

太后下至大臣可以直指矣却又先言外事以

待數年始及其內漸漬不驟如此聽者自不覺

入于肝膈矣睢其深于術哉

從王出乎臣聞善治國者乃內固其威而外重其

權穰侯使者操王之重決制於諸侯剖符於天下

政適伐國徐廣曰政適音征敵莫敢不聽戰勝攻取則利歸

於陶國弊御於諸侯索隱曰弊者斷也御者制也言穰侯執權以制御王斷於

也諸侯戰敗則結怨於百姓而禍歸於社稷詩曰木實繁者披其枝正義曰披音片被反披其枝者傷其心大其

都者危其國尊其臣者卑其主崔杼淖齒管齊索隱曰淖姓也音尼教反漢有淖姬是也高誘曰管典

也言二人典齊權而行弑逆也正義曰淖齒楚人齊淖射王股擢王筋索隱曰言射王股誤也按崔杼射莊公之股淖齒縮

王臣射王股擢王筋索隱曰言射王股誤也按縣之於廟梁宿昔而歿李兌管趙囚

淫王之筋是說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

說二君事

王交於沙丘。正義曰沙丘臺在邢州平鄉縣東北三十里。百日而餓死。

今臣聞秦太后穰侯用事。高陵華陽涇陽佐之。卒

無秦王。此亦淖齒季兌之類也。且夫三代所以亾

國者。君專授政。縱酒馳騁。弋獵不聽政事。其所授

者。如賢嫉能。御下蔽上。以成其私。不為主計。而主

不覺悟。故失其國。今自有秩以上。至諸大吏。下及

王左右。無非相國之人者。見王獨立於朝。臣竊為

王恐萬世之後有秦國者。非王子孫也。昭王聞之。

大懼曰善。於是廢太后。逐穰侯。高陵華陽涇陽君

於關外。秦王乃拜范雎為相。收穰侯之印。使歸陶。

茅坤曰以前總只是摹寫睢之羈旅入秦而挽四貴之權以後又總摹寫睢之報復魏齊本末

董份曰豈有秦用客卿數年且以為相而魏不知者耶范雎欲賣賈意者賈亦疑之故以綈袍示恩反為賈賣亦不可知也

正義曰沙丘臺在邢州平鄉縣東北三十里

到以絕危言

應前宣太后之弟一段

應前以太后故私家重于王室

索隱曰劉氏云河東臨晉有應亭則秦地有應也又案本紀以應為太后養地解者公云穎川之應鄉未知孰是○正義曰括地志云故應城古應鄉在汝州魯山縣東四十里也

昭王四十一年也。范雎既相秦。秦號曰張祿。而魏不知。以為范雎已死久矣。魏聞秦且東伐韓魏。魏使須賈於秦。范雎聞之。為微行。敝衣間步之邸。正義

曰劉云諸國客館見須賈。須賈見之而驚。曰范叔固無恙

乎。范雎曰然。須賈笑曰。范叔有說於秦耶。曰不也。

睢前日得過於魏相。故亾逃至此。安敢說乎。須賈

董份曰此處賈疑
睢已說用故以假
大車駟馬試之耳

曰今叔何事。范睢曰：臣為人庸貨，須賈意哀之，留
與坐飲食。曰：范叔一寒如此哉，乃取其一綈袍以
賜之。索隱曰：綈，厚繒也。音啼。蓋今之純也。正義曰：今之麤袍。須賈因問曰：秦
相張君，公知之乎？吾聞幸於王，天下之事皆決於
相君，今吾事之去留在張君，孺子豈有客習於相
君者哉？索隱曰：劉氏云：孺子，蓋謂睢為小子。范睢曰：主人翁習知之。
唯睢亦得謁。睢請為君見於張君。須賈曰：吾馬病
車軸折，非大車駟馬，吾不出。范睢曰：願為君借大
車駟馬於主人翁。范睢歸，取大車駟馬，為須賈御
之，入秦相府。府中望見有識者，皆避匿。須賈怪之。

茅坤曰：總只范睢
許變姓名為張祿
一句描寫千情萬
態亦于畧處反詳
之調也

至相舍門，謂須賈曰：待我，我為君先入通於相君。
須賈待門下，持車良久，問門下曰：范叔不出，何也？
門下曰：無范叔。須賈曰：鄉者與我載而入者，門下
曰：乃吾相張君也。須賈大驚，自知見賣，乃肉袒膝
行，因門下人謝罪。於是范睢盛帷帳，侍者甚衆，見
之，須賈頓首言死罪。曰：賈不意君能自致於青雲
之上，賈不敢復讀天下之書，不敢復與天下之事。
賈有湯鑊之罪，請自屏於胡貉之地。唯君死生之
范睢曰：汝罪有幾？曰：擢賈之髮以續賈之罪，尚未
足。范睢曰：汝罪有三耳。昔者楚昭王時，而申包胥

續讀古通用

茅瓚曰引申包胥一段諷然君子長者之道

為楚卻吳軍。楚王封之以荆五千戶。包胥辭不受。為丘墓之寄於荆也。今睢之先人丘墓亦在魏。公前以睢為有外心於齊。而惡睢於魏。齊公之罪一也。當魏齊辱我於廁中。公不止罪二也。更醉而溺我。公其何忍乎。罪三矣。然公之所以得無死者。以綈袍戀戀有故人之意。故釋公。乃謝罷。入言之。昭王罷歸。須賈須賈辭於范睢。范睢大供具。盡請諸侯。使與坐堂上。食飲甚設。而坐須賈於堂下。置莖豆其前。令兩黥徒夾而馬食之。數曰。為我告魏王。急持魏齊頭來。不然者。我且屠大梁。須賈歸以告。

伏後案

魏齊魏齊恐亡走趙。匿平原君所。范睢既相。王稽謂范睢曰。事有不可知者三。有不可奈何者亦三。

宮車一日晏駕。

應劭曰天子當晏起早作如方崩殞故稱晏駕韋昭曰凡初崩為晏

駕者臣子之心猶謂宮車當駕而晚出

是事之不可知者一也。君卒

按恨者恨其不及用也

然捐館舍。是事之不可知者二也。使臣卒然填溝壑。是事之不可知者三也。宮車一日晏駕。君雖恨於臣。無可奈何。君卒然捐館舍。君雖恨於臣。亦無可奈何。使臣卒然填溝壑。君雖恨於臣。亦無可奈何。范睢不懌。乃入言於王曰。非王稽之忠。莫能內臣於函谷關。非大王之賢聖。莫能賢臣。今臣官至

茅坤曰專要摹寫
睢之辱於魏齊顯
於秦因以報復于
魏故於恩怨處儘
力嫻娜
茅瓚曰一飯之德
二句足概其相秦
後事

於栢爵在列侯王稽之官尚止於謁者非其內臣
之意也昭王召王稽拜為河東守三歲不上計暗伏後案

慮曰凡郡長治民進賢勸功決訟檢姦常以春行
所至縣勸民農桑振救乏絕絕後案秋冬遣無害吏案訊
問諸囚平其罪法論課暗伏後案又任鄭安平昭王以為將

軍范睢於是散家財物盡以報所嘗困厄者一飯
之德必償睢眦之怨必報索隱曰睢音崖賣反眦音士賣反睢眦謂相噴

怒而見范睢相秦二年秦昭王之四十二年東伐
韓少曲徐廣曰蘇代曰起少曲一日而斷太高平

拔之正義曰括地志云南韓王故城在懷州河陽
縣西北四十里俗謂之韓王城非也秦時周
栢王以與鄭紀年云鄭侯使辰歸晉陽向
更名高平拔之則少曲當與高平相近秦昭王

聞魏齊在平原君所欲為范睢必報其仇乃詳為

好書遺平原君曰寡人聞君之高義願與君為布

衣之友君幸過寡人寡人願與君為十日之飲平

原君畏秦且以為然而入秦見昭王昭王與平原

君飲數日昭王謂平原君曰昔周文王得呂尚以

為太公齊栢公得管夷吾以為仲父今范君亦寡
人之叔父也范君之仇在君之家願使人歸取其
頭來不然吾不出君於關平原君曰賢而為友者
為賤也富而為交者為貧也索隱曰上為如字下
為音于偽反以言富

王維楨曰平原君
固不出魏齊此兩
以得士

賢而結交情深者為有夫魏齊者勝之友也在固

不出也。今又不在臣所。昭王乃遺趙王書曰：王之弟在秦，范君之仇，魏齊在平原君之家。王使人疾持其頭來，不然吾舉兵而伐趙。又不出王之弟於關。趙孝成王乃發卒圍平原君家。急，魏齊夜亡出見趙相虞卿。虞卿度趙王終不可說，乃解其相印與魏齊亡間行。念諸侯莫可以急抵者，乃復走大梁。欲因信陵君以走楚。信陵君聞之，畏秦猶豫未肯見，曰：「虞卿何如人也？」時侯嬴在旁曰：「人固未易知，知人亦未易也。」夫虞卿躡屩擔簦，一見趙王，賜白璧一雙，黃金百鎰，再見拜為上卿，三見卒受相。

見虞卿傳

按馬服君之子故曰馬服子而

印封萬戶侯。當此之時，天下爭知之。夫魏齊窮困過虞卿，虞卿不敢重爵祿之尊，解相印，捐萬戶侯而間行。急士之窮而歸公子，公子曰：「何如人？」人固不易知，知人亦未易也。信陵君大慙，駕如野迎之。魏齊聞信陵君之初難見之，怒而自剄。趙王聞之，卒取其頭予秦。秦昭王乃出平原君歸趙。昭王四十三年，秦攻韓，汾陘拔之。

索隱曰：陘音邢，陘蓋在韓之西界，與汾相近也。

正義曰：按陘庭故城在絳州曲沃縣西北二十里，汾水之陽。

因城河上廣武

索隱

曰：劉氏云：此河上蓋近河北之地，本屬韓，今秦得而城。

後五年，昭王用應侯

謀縱反間，賣趙趙以其故，令馬服子代廉頗將。

索隱

索隱注曰趙括之號非也

茅坤曰范雎罪之大者太史公更不放過

黃震曰范雎辱于魏齊賴鄭安平王稽竊載入秦離昭王母子兄弟舅甥之親而居相位以快一己之恩讐蓋亦勞矣然卒以任二人敗事夫爵祿非酬恩之具也顧材所堪况竊之君以私所恩耶

張之象曰前言范雎不憚此言應侯

日益以不憚文亦相顧

按武安由范雎死故秦王揭之

茅坤曰如此結束如此過脉騎龍手也

茅坤曰蔡澤傳不詳他事業只了當范雎事

日馬服子趙括之號也虞喜志林云馬兵之首秦也號曰馬服者言能服馬也鄒氏頗音足波反

大破趙於長平遂圍邯鄲已而與武安君白起有

隙言而殺之徐廣曰在五十年。索隱曰徐據秦本紀及表而知也任鄭安

平使將擊趙鄭安平為趙所困急以兵二萬人降

趙應侯席藁請罪秦之法任人而所任不善者各

以其罪罪之於是應侯罪當收三族秦昭王恐傷

應侯之意乃下令國中有敢言鄭安平事者以其

罪罪之而加賜相國應侯食物日益厚以順適其

意後二歲王稽為河東守與諸侯通坐法誅徐廣曰五

年而應侯日益以不憚昭王臨朝歎息應侯進

曰臣聞主憂臣辱主辱臣死今大王中朝而憂臣

敢請其罪昭王曰吾聞楚之鐵劍利而倡優拙正義

曰論士能善卒不戰夫鐵劍利則士勇倡優拙則思慮遠夫

以遠思慮而御勇士吾恐楚之圖秦也夫物不素

具不可以應卒今武安君既死而鄭安平等畔內

無良將而外多敵國吾是以憂欲以激勵應侯索隱

曰激音擊應侯懼不知所出蔡澤聞之往入秦也

蔡澤者燕人也游學于諸侯小大甚眾正義曰不待禮曰干

不遇而從唐舉相荀卿曰梁有唐舉。索隱曰荀卿書作唐莒曰吾聞

先生相李兌曰百日之內持國秉政有之乎索隱曰按

左傳云國子實執齊
秉服虔曰秉權柄也
曰有之曰若臣者何如唐舉

孰視而笑曰先生曷鼻巨肩徐廣曰曷一作偈偈

索隱曰曷鼻謂鼻如蝎虫也巨肩肩有巨 雕顏蹙羈

膝攣音徒回反雕顏謂顏貌雕回若雕梧然也羈

音烏曷反蹙羈謂鼻蹙 吾聞聖人不相殆先生乎

蔡澤知唐舉戲之乃曰富賢吾所自有吾所不知

者壽也願聞之唐舉曰先生之壽從今以往者四

十三歲蔡澤笑謝而去謂其御者曰吾持梁刺齒

肥持梁作飯也刺齒二字當作齧又作齧也索

隱曰持梁謂作梁米飯而持其器以食也刺齒 躍馬疾驅懷黃金之印結紫綬於要

按刺齒二字見
曲禮

揖讓人主之前食肉富賢四十二年足矣去之趙

見逐入韓魏遇奪金鬲於塗爾雅曰欵足者謂之

索隱曰金音父鬲音歷欵者空也言其足中空 應侯任鄭安平王稽皆負重罪於秦應侯內慙蔡

澤乃西入秦將見昭王使人宣言以感怒應侯曰

寡客蔡澤天下雄俊弘辯智士也彼一見秦王秦

王必困君而奪君之位應侯聞曰五帝三代之事

百家之說吾既知之衆口之辯吾皆摧之是惡能

困我而奪我位乎使人召蔡澤蔡澤入則揖應侯

應侯固不快及見之又倨應侯因讓之曰子常宣

董份曰范睢以
囚而欲問骨肉蔡
澤以羈旅欲代相
行而無嫌犯天下
之所至難其勢非
危言則不能以警
動故澤之宣言困
睢者即睢之繆言
無王也皆危而激
之之辭

董份曰惟直蒼然
字最妙詞少緩氣
少歉即挫矣
凌約言曰四時之
序成功者退此一
篇主意後反覆議
論要不外此

言欲代我相秦寧有之乎。對曰然。應侯曰請聞其
說。蔡澤曰吁。君何見之晚也。夫四時之序。成功者
去。夫人生百體。堅彊手足。便利耳目。聰明而心聖
智。豈非士之願與。應侯曰然。蔡澤曰質仁秉義。行
道施德。得志於天下。天下懷樂敬愛而尊慕之。皆
願以為君王。豈不辯智之期與。應侯曰然。蔡澤復
曰富賢顯榮。成理萬物。使各得其所。性命壽長。終
其天年。而不夭傷。天下繼其統守其業。傳之無窮。
名實純粹。澤流千里。徐廣曰一世世稱之而無絕
與天地終始。豈道德之符。而聖人所謂吉祥善事

余有丁曰引此三
人做話頭畢竟應
侯為所窘耳

者與。應侯曰然。蔡澤曰若夫秦之商君。楚之吳起。
越之大夫。種其卒。然亦可願與。應侯知蔡澤之欲
困已以說。式紉反復謬曰何為不可。夫公孫鞅之事
孝公也。極身無貳慮。盡公而不顧私。設刀鋸以禁
奸邪。信賞罰以致治。披腹心。示情素。蒙怨咎。欺舊
友。奪魏公子印。安秦社稷。利百姓。卒為秦禽。將破
敵。攘地千里。吳起之事悼王也。使私不得害公。讒
不得蔽忠。言不取苟合。行不取苟容。不為危易行。
行義不辟難。徐廣曰一云然為霸主強國。不辭禍
凶。大夫種之事越王也。主雖困辱。悉忠而不解。主

董份曰雖欲說雖
退位而實稱其賢
故詞可入然說亦
正

按膠字與本
文不同

雖絕亡盡能而弗離成功而弗矜。譽富而不驕怠。若此三子者固義之至也。忠之節也。是故君子以義死難視死如歸。生而辱不如死而榮。士固有殺身以成名。唯義之所在。雖死無所恨。何為不可哉。蔡澤曰。主聖臣賢。天下之盛福也。君明臣直。國之福也。父慈子孝。夫信妻貞。家之福也。故比干忠而不能存。殷子胥智而不能完。吳申生孝而晉國亂。是皆有忠臣孝子。而國家滅亂者。何也。無明君賢父以聽之。故天下以其君父為侈辱而憐其臣子。去索隱曰。言以比干子胥申生皆至忠孝而見誅放。故今天下言為其君父之所侈而憐其臣子也。

許相卿曰。只將一
死字難倒。范睢終
篇竟以死恐之。

今商君吳起大夫種之為人。臣是也。其君非也。故世稱三子致功而不見德。豈慕不遇世死乎。夫待死而後可以立忠成名。是微子不足仁。孔子不足聖。管仲不足大也。夫人之立功。豈不期於成全邪。身與名俱全者。上也。名可法而身死者。其次也。名在侈辱而身全者。下也。於是應侯稱善。蔡澤少得閒。因曰。夫商君吳起大夫種。其為人臣盡忠致功。則可願矣。閔天事文王。周公輔成王也。豈不亦聖乎。以君臣論之。商君吳起大夫種。其可願孰與閔天周公哉。應侯曰。商君吳起大夫種。弗若也。蔡澤

曰然則君之主慈仁任忠。惇厚舊故。其賢智與有道之士為膠漆。義不倍功臣。孰與秦孝公楚悼王。越王乎。應侯曰。未知何如也。蔡澤曰。今主親忠臣。不過秦孝公楚悼王。越王。君之設智能為主安危。修政治亂彊兵。批患折難。索隱曰批音白結反。又音豐雞反。批患謂擊而却之折音音。廣地殖穀富國足家。彊主尊社稷。顯宗廟。天下莫敢欺犯其主。主之威蓋震海內。功彰萬里之外。聲名光輝傳於千世。君孰與商君吳起大夫種。應侯曰。不若。蔡澤曰。今主之親忠臣。不忘舊故。不若孝公悼王。句踐。而君之功績愛信親幸。又

八公
八公
八公

余有丁曰。陡然直指若利刃。銘鋒得窾。即入安得不迎刃而解乎。

蔡清曰。蔡澤見得范雎是箇快意。恩仇之人。故以此說之。范雎可以無遺憾。而不難于釋相位矣。此正是說客肯綮處。
凌約言曰。太史公傳范雎則歷數其快意。恩仇事而曰一飯之德。不忘。雖之怨。必報。至傳蔡澤說范雎。又復

不若商君吳起大夫種。然而君之祿位尊盛。私家之富過於三子。而身不退者。恐患之甚於三子。竊為君危之。語曰。日中則移。月滿則虧。物盛則衰。天地之常數也。進退盈縮。與時變化。聖人之常道也。故國有道則仕。國無道則隱。聖人曰。飛龍在天。利見大人。不義而富且貴。於我如浮雲。今君之怨已讎。而德已報。意欲至矣。而無變計。竊為君不取也。且夫翠鵠犀象。其處勢非不遠矣。而所以死者。惑於餌也。蘇秦智伯之智。非不足以辟辱遠死也。而所以死者。惑於貪利不止也。是以聖人制禮節

直說出唯心事

云然可見雖怨報
德了結范睢一生
心事故其二傳相
照應如此

按漢書地理志
云周末有子路
夏育民人慕之
太史噉戰國策
作太史啓田單
傳有太史噉乃
齊襄王后之父
也
按澤舉桓公夫
差見國君履盛
滿而不以卑退
自居猶未免于
畔且亾也况乎
相人國者而可

以成功又處乎
此後雖分三段
揔是一意

陳沂曰前言商君
吳起大夫種此特
增一白起不惟激
以事而且動其心
尤切也

欲取於民有度。使之以時。用之有止。故志不溢。行
不驕。常與道俱而不失。故天下承而不絕。昔者齊
相公九合諸侯。一匡天下。至於葵丘之會。有驕矜
之志。畔者九國。吳王夫差。兵無敵於天下。勇彊以
輕諸侯。陵齊晉。故遂以殺身亡國。夏育太史噉叱
呼駭三軍。徐廣曰呼一作啗。索隱曰二人勇者也。夏育賁育也。噉音皎。正義曰呼大故。
然而身死於庸夫。索隱曰高誘云夏育為田搏所殺。然太史噉未知誰之所
然恐非齊襄
王時太史也。
此皆乘至盛而不返道理。不居卑退
處儉約之患也。夫商君為秦孝公明法令。禁姦本。
尊爵必賞。有罪必罰。平權衡。正度量。調輕重。決裂

阡陌。以靜生民之業。而一其俗。勸民耕農。利土。一
室無二事。力田穡積。習戰陳之事。是以兵動而地
廣。兵休而國富。故秦無敵於天下。立威諸侯。成秦
國之業。功已成矣。而遂以車裂。楚地方數千里。持
戟百萬。白起率數萬之師。以與楚戰。一戰舉鄢郢。
以燒夷陵。再戰南并蜀漢。又越韓魏而攻彊趙。北
坑馬服。誅屠四十餘萬之衆。盡之於長平之下。流
血成川。沸聲若雷。遂入圍邯鄲。使秦有帝業。楚趙
天下之彊國。而秦之仇敵也。自是之後。楚趙皆懾
伏不敢攻秦者。白起之勢也。身所服者七十餘城。

按詳商君吳起大夫種申上文也中入白起耳日之所見聞也故摠以四子者五句結之是第一段

功已成矣。而遂賜劔。歿於杜郵。吳起爲楚悼王立法。卑減大臣之威重。罷無能。廢無用。損不急之官。塞私門之請。一楚國之俗。禁游客之民。精耕戰之士。南收楊越。北并陳蔡。破橫散從。使馳說之士無所開其口。禁朋黨以勵百姓。定楚國之政。兵震天下。威服諸侯。功已成矣。而卒枝解。大夫種爲越王深謀遠計。免會稽之危。以亾爲存。因辱爲榮。墾草入邑。索隱曰。劉氏云。入猶充也。謂招携離散。充滿城邑也。辟地殖穀。率四方之士。專上下之力。輔句踐之賢。報夫差之讎。卒擒勁吳。令越成霸。功已彰而信矣。句踐終負而殺之。

凌約言曰。歷叙四子不善居功。以致奇禍。而陶朱公獨以見幾。今終一去。一不去。得失判然。反覆劇論。要不外成功者退一語。

按戰國策云。大投謂全勝也。分功分勝者。所獲也。按范蠡見幾明。決扁舟五湖正。所謂名與身俱全者上也。四子豈能彷彿其萬一哉。應侯苟戀位于秦。不忍分功。求退則名在。僂辱而身不可全。與四子等耳。是第二段。

此四子者。功成不去。禍至於此。此所謂信而不能。誦往而不能返者也。索隱曰。信音申。誦音屈。謂志已展而不退。范蠡知之。超然辟世。長爲陶朱公。君獨不觀夫博者乎。或欲大投。或欲分功。班固奕指曰。博縣於投。不必在行。駟謂投投瓊也。○索隱曰。言夫博奕。或欲大投。其瓊以致勝。或觀其勢弱。則大投地分。而分功以遠救事。具小爾雅。方言云。所以投博謂之。此皆君之所明知也。今君相秦。計不下。席。謀不出廊廟。坐制諸侯。利施三川。以實宜陽。正義曰。施。猶展也。言伐得三川之地。以實宜陽。言展開三川實宜陽。決羊腸之險。塞太行之道。又斬范中行之塗。六國不得合從。棧道千里。通於蜀漢。使天下皆畏秦。秦之欲得矣。君之功。

按此直欲其辭位而去則能賢如古人壽如喬松子孫世享祿位無絕人臣立功持已所深願而不可得者皆萃于應侯之一身矣是第三段

董份曰戰國之士世嘗少之然傲儻豪傑亦有不可及

極矣。此亦秦之分功之時也。如是而不退，則商君白公。徐廣曰：白起。吳起大夫種是也。吾聞之鑒於水者，見面之容，鑒於人者，知吉與凶。書曰：成功之下，不可久處。四子之禍，君何居焉？君何不以此時歸相印，讓賢者而授之，退而巖居川觀，必有伯夷之廉，長為應侯，世世稱孤，而有許由、延陵季子之讓，喬松之壽，孰與以禍終哉？即君何居焉？忍不能自離，疑不能自決，必有四子之禍矣。易曰：亢龍有悔，此言上而不能下，信而不能誦，往而不能自返者也。願君孰計之。應侯曰：善。吾聞欲而不知止，失其所

者，范雎脫衣而取，相其恩仇，快意氣，燭灼然及澤一說，即讓位弄印如振埃，洗垢不復顧籍，此其心能作能止，亦有過人者，使其知道卓乎不可及也。

以欲有而不知足，失其所以有。先生幸教，雎敬受命。於是乃延入坐，為上客。後數日，入朝，言於秦昭王曰：客新有從山東來者，曰蔡澤，其人辯士，明於三王之事，五伯之業，世俗之變，足以寄秦國之政。臣之見人，甚眾，莫及。臣不如也。臣敢以聞。秦昭王召見，與語，大說之，拜為客卿。應侯因謝病，請歸相印。昭王彊起應侯，應侯遂稱病篤。范雎免相，昭王新說蔡澤計畫，遂拜為秦相。東收周室，蔡澤相秦

王應麟曰：蔡澤雖以辨智奪范雎之位，然竟免范于難，其有益于范亦大矣。鮑虎曰：周衰，辨士皆矜材角智，趣於利而已。唯澤為近道，得明哲保身之策，故其得位不數

數月，人或惡之，懼誅，乃謝病歸相印，號為綱成君。居秦十餘年，事昭王、孝文王、莊襄王，卒事始皇帝。

月引去優游於秦
以封君令終美矣
非苟知之亦允蹈
之澤之謂乎

為秦使於燕三年而燕使太子丹入質於秦。

太史公曰韓子稱長袖善舞多錢善賈信哉是言

也。范雎蔡澤世所謂一切辯士。然游說諸侯至白

首無所遇者非計策之拙所為說力少也。及二人

羈旅入秦繼踵取卿相垂功於天下者固彊弱之

勢異也。然士亦有偶合。賢者多如此。二子不得盡

意。豈可勝道哉。然二子不困厄惡能激乎。索隱曰二子范

雎蔡澤也。雎厄於齊折脅摺齒澤困於趙被逐奔鬲是也。惡音烏激音擊。

索隱述贊曰應侯始困託載而西說行計立賢平寵稽倚秦市趙卒報魏齊綱成辯智范雎招

携勢利傾奪一言成蹊

蘇子古史曰范雎相秦其所以利秦者少而害秦者多以魏冉之專忘其舊勳而逐之可也。并逐宣太后使昭王以子絕母不已甚乎。宣太后之於秦非鄭武姜莊襄后之惡也。鄭武姜莊襄后猶不可絕而雎絕之獨不愧。穎考叔茅焦乎。及雎任秦事殺白起而用王稽鄭安平使民怨於內兵折於外曾不若魏冉之一二以予觀之。范雎蔡澤自為身謀取卿相可耳。未見有益於秦也。

楊維禎曰應侯入秦退四賢而攫取其相如探物囊中及祿位既盛則又不以四賢為戒必俟夫澤之再三辨說而後謝病。譬之奕也。觀局則明當局則昏。應侯之退已合退于請藥賜成之時而律成不退使非取澤之善說近道不必攻雎于王而攻雎于雎亦以雎可言感而澤之言又足以寤雎者故雎決于去而不俟。夫逐也及澤代雎不數月即幡然引去又不俟逐雎者逐

我優游于秦以封君令終若澤者不謂之哲人乎

黃震曰范雎以口舌攘穰侯之位而蔡澤復以口舌攘之雎所謂螳螂捕蟬黃雀在後也然穰侯以君臣骨肉之親則雎攘之也難范雎當君臣疑阻之際則澤攘之也易雎遠交近攻之策真有益於秦澤特羈旅之餘竊富賢耳澤始非雎以離間昭王母子兄弟而得之澤勸雎功成身退其心雖私而論則正矣

盧大經曰范雎蔡澤皆辨士也太史公以之連傳然雎傾危澤明坦雎幽險詭秘危人骨肉全是小人意態澤方入關便宣言代雎至其所以告雎者皆消息盈虛之正理雎必俟澤反覆以禍福曉之乃肯退澤為秦相數月即告老為客卿以終進退雍容過雎遠甚雖然後之君子固權各寵如狡兔之專窟如猩猩之嗜酒老成而不知止受禍而不之覺者是又在范雎下矣

董份曰蔡澤說應侯而奪之位其辨雄矣然以功成當去志得當止則亦天下之至理也故應侯聽之而澤一因人讒遂弄相印與雎亦不旋踵蓋不徒言而已以秦之少恩而二子翩然皆能免于刑僇善保終始詩曰惟其有之是以似之二子之謂矣余謂戰國之士有不可及者蓋如此而澤尤高其振世之傑哉

始詩曰惟其有之是以似之二子之謂矣

余謂戰國之士有不可及者蓋如此而澤尤高其振世之傑哉

如此而澤尤高其振世之傑哉

如此而澤尤高其振世之傑哉

如此而澤尤高其振世之傑哉

如此而澤尤高其振世之傑哉

如此而澤尤高其振世之傑哉

史記評林卷之七十九終

史記評林卷之八十

吳興凌稚隆輯校

樂毅列傳第二十

樂毅者其先祖曰樂羊。樂羊為魏文侯將伐取中

山。正義曰魏文侯封樂羊以靈壽。徐廣曰屬常山

志常山有靈壽縣中山桓公所都之地。○正義曰今鎮州靈壽。樂羊死葬於靈壽。

其後子孫因家焉。中山復國。至趙武靈王時復滅

中山。索隱曰中山魏雖滅之尚不絕祀故。而樂氏

後有樂毅。樂毅賢好兵。趙人舉之。及武靈王有沙

丘之亂。徐廣曰趙有沙丘宮近鉅鹿。乃去趙適魏。聞燕昭王以

子之之亂而齊大敗。燕昭王怨齊未嘗一日而

茅坤曰讀樂毅傳令人頓生肘翼為之憤咽而流涕云

按太史公詳叙樂毅入燕始末蓋為毅他日遺燕惠王書張本

忘報齊也。葵國小辟遠力不能制。於是屈身下士。

先禮郭隗。正義曰說苑云葵昭問於隗曰寡人地狹民寡齊人取薊八城匈奴驅馳樓煩

之下以孤之不肖得承宗廟恐社稷危存之有道乎隗曰帝者之臣其名臣其實師王者之臣其名

臣其實友霸者之臣其名臣其實僚危困國之臣其名臣其實虜今王將自東面目指氣使以求臣

則廝役之才至矣南面聽朝不失揖讓之理以求臣則人臣之才至矣北面等禮不乘之以勢以求

臣則朋友之才至矣西面逡巡以求臣則師傅之才至矣誠欲與王霸同道隗請為天下之士開路

於是常置以招賢者。樂毅於是為魏昭王使於葵

蕪王以客禮待之。樂毅辭讓遂委質為臣。葵昭王

以為亞卿。久之當是時齊湣王彊南敗楚相唐昧

於重丘。索隱曰昧音莫葛反地理志重丘縣名屬平原。正義曰在冀州城武縣界。西

推三晉於觀津。索隱曰地理志觀津縣名屬信都漢初屬清河也。正義曰在冀州

武邑縣東南二十五里。遂與三晉擊秦助趙滅中山破宋廣

地千餘里與秦昭王爭重為帝已而復歸之諸侯

皆欲背秦而服於齊。湣王自矜百姓弗堪於是燕

昭王問伐齊之事。樂毅對曰齊霸國之餘業也地

大人衆未易獨攻也。王必欲伐之莫如與趙及楚

魏於是使樂毅約趙惠文王別使連楚魏令趙嚮

秦以伐齊之利。徐廣曰嚮進說之意。索隱曰諸侯

害齊湣王之驕暴皆爭合從與葵伐齊。樂毅還報

葵昭王悉起兵使樂毅為上將軍。趙惠文王以相

茅坤曰惜乎毅所說趙及楚魏之說不傳

董份曰言齊強以見樂毅之功大

平

付机

茅坤曰毅能以羈旅入燕而連五國之兵卒以破齊者固其計審抑以齊故嘗以兵凌五國而乘瑕蹈巽故也

國印授樂毅。樂毅於是并護趙楚韓魏燕之兵以

伐齊。索隱曰護謂總領之也。破之濟西。諸侯兵罷歸。而燕軍

樂毅獨追至于臨菑。齊湣王之敗濟西。亡走保於

莒。樂毅獨留徇齊。齊皆城守。樂毅攻入臨菑。盡取

齊寶財物祭器。輸之燕。燕昭王大說。親至濟上。勞

軍。行賞饗士。封樂毅於昌國。徐廣曰屬齊。○索隱曰地理志縣名屬齊。

郡。正義曰故昌城在淄州淄川縣東北四十里也。號為昌國君。於是燕昭

王收齊鹵。獲以歸。而使樂毅復以兵平齊城之不

下者。樂毅留徇齊五歲。下齊七十餘城。皆為郡縣

以屬燕。唯獨莒。即墨未服。正義曰即墨今萊州。會燕昭王死。

子立為燕惠王。惠王自為太子時。嘗不快於樂毅

及即位。齊之田單聞之。乃縱反間於燕曰。齊城不

下者。兩城耳。然所以不早拔者。聞樂毅與燕新王

有隙。欲連兵且留齊。南面而王齊。齊之所患。唯恐

他將之來。於是燕惠王固已疑樂毅。得齊反間。乃

使騎劫代將。而召樂毅。索隱曰騎劫燕將姓名。樂毅知燕惠

王之不善代之。畏誅。遂西降趙。趙封樂毅於觀津

號曰望諸君。索隱曰望諸澤名在齊。蓋趙有尊寵之故。號焉。戰國策望作藍也。

樂毅以警動於燕。齊田單後與騎劫戰。果設詐

誑燕軍。遂破騎劫於即墨下。而轉戰逐燕。北至河

楊慎曰樂毅報君書善矣惠王書亦自委曲懇至足以節前非而動衆志

上。正義曰滄德二州之北河盡復得齊城而迎襄王於莒入于臨菑。燕惠王後悔使騎劫代樂毅以故破軍亡將失齊。又怨樂毅之降趙恐趙用樂毅而乘燕之弊以伐燕。燕惠王乃使人讓樂毅且謝之曰先王舉國而委將軍將軍為燕破齊報先王之讎天下莫不震動寡人豈敢一日而忘將軍之功哉。會先王弃羣臣寡人新即位左右誤寡人寡人之使騎劫代將軍為將軍久暴露於外故召將軍且休計事將軍過聽以與寡人有隙遂捐燕歸趙將軍自為計則可矣而亦何以報先王之所以遇將軍之意

樓昉曰此書可以見燕昭王樂毅君臣相與之際畧似蜀昭烈諸葛武侯書詞明白洞見肺腑
按恐侍御者不察先王二句是一篇大指中間多是說此二句意

乎。樂毅報遺燕惠王書曰臣不佞不能奉承王命以順左右之心恐傷先王之明有害足下之義故遁逃走趙今足下使人數之以罪臣恐侍御者不察先王之所以畜幸臣之理又不白臣之所以事先王之心故敢以書對臣聞賢聖之君不以祿私親其功多者賞之其能當者處之故察能而授官者成功之君也論行而結交者立名之士也臣竊觀先王之舉也見有高世主之心緣此所以歸燕正義曰樂毅見燕昭王有自高尊世上人主之心故假魏節使燕故假節於魏以身得察於燕先王過舉廁之賓客之中立之羣臣之上不謀父兄

按此自叙所以
事先王之由

按殺不歸功于
已而托以天之
道先王之靈最
是宛曲處

正義曰杜預云以爲亞卿臣竊不自知自以爲奉
令承教可幸無罪故受令而不辭先王命之曰我
有積怨深怒於齊不量輕弱而欲以齊爲事臣曰
夫齊霸國之餘業而最勝之遺事也練於兵甲習
於戰攻王若欲伐之必與天下圖之與天下圖之
莫若結於趙且又淮北宋地楚魏之所欲也趙若
許而約四國攻之齊可大破也先王以爲然具符
節南使臣於趙顧反命起兵擊齊以天之道先王
之靈河北之地隨先王而舉之濟上正義曰濟水
之上在齊上
濟上之軍受命擊齊大敗齊人輕卒銳兵長驅至

國齊王遁而走莒僅以身免珠玉財寶車甲珍器

盡收入於莒齊器設於寧臺索隱曰莒臺也。正
義曰括地志云莒元

英磨室二宮皆莒宮在幽州薊縣西四里寧臺之下大呂陳於元英索隱曰
大呂齊

鐘名元英莒故鼎反乎磨室徐廣曰磨歷也。索
隱曰莒鼎前輸於齊

今反入於磨室磨室亦宮名戰國策作歷室也。
正義曰括地志云曆室莒宮名也高誘云莒噲亂

齊伐莒殺噲得鼎今反歸莒故鼎徐廣曰竹
曰曰篁謂

莒之疆界移於齊之汶水。索隱曰莒丘燕所都
之地言莒之薊丘所植植齊王汶上之竹徐注非

也。正義曰幽州薊地西北隅有薊丘又汶
水源出兗州博城縣東北原山西南入沛自五

伯已來功未有及先王者也先王以爲慊於志索
隱

曰慊音苦篋反亦作慊慊者常慊然而不愜其志也故裂地而封之使得比

按此叙先王所以
畜臣之由

董份曰言先王之
功大隱然以自明

按此言毅所以
事燕王之心
董份曰兩言可幸
無罪其詞雖謙而
意難奪

按此言已佐燕
之有餘澤
董份曰見先王之
政可以世守不宜
初死而遂背之易
將更令以自取敗
也

又曰憤庶孽者見
不宜信左右言萌
隸者見大將老不
宜輕
又曰悽惋感惻所
謂長歌之悲勝于
痛哭

按此下目白所
以去燕之由與
不敢背燕之意

余有丁曰為利即
所謂乘燕之敝者
索隱解未明

按此明已不輔
趙以攻燕解
惠王之疑

小國諸侯臣竊不自知自以為奉命承教可幸無

罪是以受命不辭臣聞賢聖之君功立而不廢故

著於春秋蚤知之士名成而不毀故稱於後世若

先王之報怨雪恥夷萬乘之疆國收八百歲之蓄

積及至弃羣臣之日餘教未衰執政任事之臣修

法令慎度孽施及乎萌隸皆可以教後世臣聞之

善作者不必善成善始者不必善終昔伍子胥說

聽於闔閭而吳王遠迹至郢夫差弗是也賜之鴟

夷而浮之江吳王不寤先論之可以立功故沈子

胥而不悔子胥不蚤見主之不同量是以至於入

江而不化索隱曰言子胥怨恨故雖投江夫免身

立功以明先王之迹臣之上計也離毀辱之誹謗

臨不測之罪以幸為利義之所不敢出也索隱曰

不測之罪以幸免為利今我仍義先王謂既臨

之恩雖身託外國而心亦不敢出也臣聞古之

君子交絕不出惡聲正義曰君子之人交絕忠臣

去國不潔其名索隱曰言忠臣去離本國不自潔

國不說人以無罪是也正義曰言不潔已臣雖

名行而咎於君若箕子不忍言殷惡是也

不佞索隱曰不佞數奉教於君子矣索隱曰數音

經奉教令於君子君子即識禮之人謂已在外猶

云已罪不說王之有非故下云不察疎遠之行斯

史記卷八十一 燕世家 六

按此叙已所以
通書之意

陳仁子曰世稱毅
曰王佐以今觀之
毅亦戰國詭詐之
士而已夫戰國之
習于周不合則之
魯于魯不合則之
齊之宋之晉之秦
無擇也毅恃材以
驕列國而不狗節
以全大義知去國
不潔其名獨不知
忠臣不事二君乎
若曰避讒則辨明
心迹奉賢者以自
代可也何乃飄然
而去至使惠王懼
其伐國而致書焉
此固中行說之流
耳夏侯玄尚以微
子為論何哉

亦忠臣之節 恐侍御者之親左右之說不察疏遠之行

故敢獻書以聞唯君王之留意焉夏侯玄曰觀樂生遺燕惠王書

其殆度乎知機合道以禮始終者與又其喻昭王曰伊尹放太甲而不疑太甲受放而不怨是存大業於至公而以天下為心者必致其主於盛隆合其趣於先務以天下為心者必致其主於盛隆合其趣於先王苟君臣同符則大業定矣于斯時也樂生之志千載一遇夫千載一遇之世亦將行千載一隆之道豈其局迹當時止於兼并而已哉夫兼并者非樂生之所屑彊燕而廢道又非樂生之所求不屑苟利心無近事不求小成斯意兼天下者也則舉齊之事所以運其機而動四海也夫討齊以明葵王之義此兵不興於為利矣圍城而害不加於百姓此仁心著於遐邇矣舉國不謀其功除暴不以威力此至德全於天下矣邁全德以率列國則幾於湯武之事矣樂生方恢大綱以縱二城收民明信以待其弊將使即墨莒人顧仇其上願釋干戈賴我猶親善守之智無所施之然則求仁得仁即

王維禎曰夏氏許
樂生過矣遷齊寶
器虜齊人民惡能
若所云哉

墨大夫之義仕窮則從微子適周之道開彌廣之路以待田單之徒長容善之風以申齊士之志使夫忠者遂節勇者義著昭之東海屬之華裔我澤如春民應如草道光宇宙賢智託心鄰國傾慕四海延頸思戴燕主仰望風聲二城必從則王業隆矣雖淹留於兩邑乃致速於天下也不幸之變世所不圖敗於垂成時運固然若乃逼之以威劫之以兵攻取之事求欲速之功使燕齊之士流血於二城之下受殺傷之殘以示四海之人是縱暴易亂以成其私鄰國望之其猶豺虎既大墮稱兵之義而喪濟溺之仁且虧齊士之節廢廉善之風掩宏通之度弃王德之隆雖二城幾於可拔霸王之事逝其遠矣然則燕雖兼齊其與世主何以殊哉其與鄰國何以相傾樂生豈不知拔二城之速了哉顧城拔而業乖也豈不慮不速之致變哉顧業乖與變同繇是觀之樂生之不屠二城未可量也於是葵王復以樂毅子樂間為昌國君索隱曰間音紀開反而樂毅往來復通葵葵趙以為客卿樂毅卒於趙

張華曰望諸君冢在邯鄲西數里樂間居燕三十餘年燕王喜用

其相栗腹之計索隱曰栗姓腹名漢有栗姬欲攻趙而問昌國

君樂閒樂閒曰趙四戰之國也索隱曰言趙數距四方之敵故云四

戰之國。正義曰東鄰燕齊西邊秦樓煩南界韓魏北迫匈奴其民習兵伐之不

可。燕王不聽遂伐趙趙使廉頗擊之大破栗腹之

軍於鄣禽栗腹樂乘樂乘者樂閒之宗也於是樂

閒奔趙趙遂圍燕燕重割地以與趙和趙乃解而

去。燕王恨不用樂閒樂閒既在趙乃遺樂閒書曰

紂之時箕子不用犯諫不怠以冀其聽商容不達

身祗辱焉以冀其變及民志不入獄囚自出索隱曰民

按室有語句言室家有事不可盡言以告他人謂二子當歸燕不可明燕過而居趙也

志不入謂國亂而人離心向外故云不入又然後

二子退隱故紂負桀暴之累二子不失忠聖之名

何者其憂患之盡矣今寡人雖愚不若紂之暴也

燕民雖亂不若殷民之甚也室有語不相盡以告

鄰里正義曰言家室有忿爭不決必告鄰里今故以書相告也二者寡人不為

君取也正義曰二者謂燕君未如紂燕民未如殷民復相告子反燕以疑君民之惡是寡人

不謂君取之樂閒樂乘怨燕不聽其計二人卒留趙趙

封樂乘為武襄君索隱曰樂乘樂毅之宗人也其明年樂乘廉

頗為趙圍燕燕重禮以和乃解後五歲趙孝成王

卒襄王使樂乘代廉頗廉頗攻樂乘樂乘走廉頗

茅坤曰漢高帝心所嚴事孔子而下信陵樂毅兩人而已

茅坤曰樂臣公以下太史公以文為戲處于樂氏特明其世系而已然亦太史公好黃老本旨
楊慎曰樂毅齊及老子傳授太史公之孝蓋本老子

亾入魏其後十六年而秦滅趙其後二十餘年高

帝過趙問樂毅有後世乎對曰有樂叔高帝封之

樂鄉徐廣曰在此新城正義曰號曰華成君華

成君樂毅之孫也而樂氏之族有樂瑕公樂臣公

一作巨公趙且為秦所滅亾之齊高密樂臣公善修黃

帝老子之言顯聞於齊稱賢師

大史公曰始齊之蒯通及主父偃讀樂毅之報燕

王書未嘗不廢書而泣也樂臣公學黃帝老子其

本師號曰河上丈人不知其所出河上丈人教安

期生安期生教毛翁公毛翁公教樂瑕公樂瑕公

教樂臣公索隱曰日本亦作巨公樂臣公教蓋公索隱曰蓋音古闔反蓋公

史不記名蓋公教於齊高密膠西為曹相國師

索隱述贊曰昌國忠謹人臣所無連兵五國濟西為墟燕王將受空聞報書義士慷慨明君軾

間間乘繼將芳規不渝

蘇子古史曰齊湣王無德而有功諸侯之所共疾樂毅為燕合諸侯破齊殺湣王舉全齊之富而歸之燕徇齊五年下七十餘城唯莒即墨未服兵久於外而燕人無怨心諸侯無異議其所以鎮撫內外必有道矣至與莒即墨相持田單拒之五年而不決此非戰之罪勇智相敵勢固然耳夏侯玄不達兵勢以謂毅不下二城將以成王者之業以書生之論非其實也

董份曰樂毅徇齊其勢亦有不可遂拔者然燕非有大德殊政以服齊人之心不過連勢借力乘亂攻昧欲并兼其國雖攻拔二邑而人未忘齊其亂終作以秦之強六

國陵夷乘其積衰漸以兵滅而及其起而
 凶秦者猶六國之後也況當齊之猶盛乎
 樂毅之智必見其有難拔之形欲困以歲
 月然不知自古未有以力經營可以并國
 滅姓善後而無事者即其與二城為守孰
 若勸燕王益施仁義以服齊心定國置君
 反城與地則恩浹于齊人德著于天下所
 謂亂而伐之威莫大焉服而舍之仁莫厚
 焉上可以成王業而下亦
 不失為桓文惜不及此也
 黃震曰樂毅為燕報齊誠師出有名矣而
 盡取寶物祭器輸之燕仁義之師不為也
 狗齊五歲下七十餘城而莒即墨猶未下
 者齊王係於莒有困獸覆車之勢齊方憤
 發而毅之師已老強弩之末不能穿魯縞
 其勢然也夏侯玄許以湯武之事何甚耶
 然毅以讒去適趙趙父母國也報燕惠王
 書稱忠臣去國不潔其名不効戰國反覆
 復為趙而讎燕去就無憚傳之于孫亦然
 高帝過趙復封其孫樂叔者於樂鄉信義

之入于人深矣然則
 樂毅非戰國之士也

史記評林卷之八十

終

史記評林卷之八十一

吳興凌稚隆輯校

廉頗藺相如列傳第二十一

廉頗者趙之良將也。趙惠文王十六年，廉頗為趙

將伐齊，大破之，取晉陽。索隱曰：陽，晉衛地，後屬齊。今趙取之，司馬彪郡國志曰：今衛國陽晉城是也。有本作晉陽，非也。晉陽在太原，雖亦趙地，非齊所取也。正義曰：按晉陽故

城在今曹州乘氏縣西北四十七里也。拜為上卿，以勇氣聞於諸侯。

藺相如者，趙人也。為趙宦者令繆賢舍人。趙惠文

王時，得楚和氏璧。秦昭王聞之，使人遺趙王書，願

以十五城請易璧。趙王與大將軍廉頗、諸大臣謀，

欲予秦。秦城恐不可得，徒見欺，欲勿予。即患秦兵

茅坤曰：兩人為一傳，中復附趙奢已而復綴以李牧為四人，傳須詳太史公次四人線索，纒知趙之與公矣。張之象曰：不書邑里，世系而直以趙之良將稱之，亦一例也。王維楨曰：廉藺同傳，而廉尚勇有戰功，藺多智有口辨，卒併係趙兩人者，相資也。

楊慎曰當時趙君用人如此之審宜秦之不敢加兵也

之來計未定求人可使報秦者未得宦者令繆賢
曰臣舍人專叙相如藺相如可使王問何以知之對曰臣嘗
有罪竊計欲亡走燕臣舍人相如止臣曰君何以
知燕王臣語曰臣嘗從大王與燕王會境上燕王
私握臣手曰願結友以此知之故欲往相如謂臣
曰夫趙彊而燕弱而君幸於趙王故燕王欲結於
君今君乃亡趙走燕燕畏趙其勢必不敢留君而
束君歸趙矣君不如肉袒伏斧質請罪則幸得脫
矣臣從其計大王亦幸赦臣臣竊以為其人勇士
有智謀宜可使於是王召見問藺相如曰秦王以

邵室曰趙王知相如之必能完璧乎曰不知也相如能知秦之必歸璧乎曰不知也然則何以使之曰相如以死殉葬趙王以意氣任相如璧完而相如歸趙重矣璧不返相如死之趙亦重矣因勢之重輕于是係焉是行也良亦幸哉雖然璧之重不重于相如為一璧而失相如是則國隨之何士之守執古人有言匹夫無罪懷璧其罪予亦曰國無寡得璧其寡趙王知是庶幾免夫茅坤曰到此時非相如不能為此光

十五城請易寡人之璧可予不相如曰秦彊而趙弱不可不許王曰取吾璧不予我城奈何相如曰秦以城求璧而趙不許曲在趙趙予璧而秦不予趙城曲在秦均之二策寧許以負秦曲王曰誰可使者相如曰王必無人臣願奉璧往使城入趙而璧留秦城不入臣請完璧歸趙趙王於是遂遣相如奉璧西入秦秦王坐章臺見相如相如奉璧奏秦王秦王大喜傳以示美人及左右左右皆呼萬歲相如視秦王無意償趙城乃前曰璧有瑕請指以示王王授璧相如因持璧却立倚柱怒髮上衝冠

景非太史公不能
描寫此神色

史記卷八十一
廉頗藺相如列傳

謂秦王曰。大王欲得璧。使人發書至趙王。趙王悉
召羣臣議。皆曰。秦貪負其疆。以空言求璧。償城恐
不可得。議不欲予秦璧。臣以為布衣之交。尚不相
欺。況大國乎。且以一璧之故。逆疆秦之驩。不可。於
是趙王乃齋戒五日。使臣奉璧拜送書於庭。何者
嚴大國之威。以修敬也。今臣至。大王見臣列觀。禮
節甚倨。得璧傳之美人。以戲弄臣。臣觀大王無意
償趙王城邑。故臣復取璧。大王必欲急臣。臣頭今
與壁俱碎於柱矣。相如持其璧睨柱。欲以擊柱。秦
王恐其破璧。乃辭謝固請。召有司案圖。指從此以

往十五都予趙。相如度秦王特以詐佯為予趙城。
實不可得。乃謂秦王曰。和氏璧天下所共傳寶也。
趙王恐不敢不獻。趙王送璧時齋戒五日。今大王
亦宜齋戒五日。設九賓於廷。韋昭曰。九賓則周禮
九儀。索隱曰。周禮
大行人別九賓。謂九服之賓客也。列士傳云。設九
牢也。正義曰。劉伯莊云。九賓者。周王備之禮。天
子臨軒九服同會。秦趙何得
九賓。但亦陳設車輅文物耳。臣乃敢上璧。秦王度
之終不可彊奪。遂許齋戒五日。舍相如廣成傳舍。索
隱曰。廣成是傳舍之名。傳音張。戀反。相如度秦王雖齋。決負約不償
城。乃使其從者衣褐懷其璧。從徑道亡。歸璧于趙。
秦王齋五日。後乃設九賓禮於廷。引趙使者藺相

史記卷八十一
廉頗藺相如列傳

何孟春曰藺相如
爭趙璧事氣蓋秦
庭而楊龜山弗是
之謂古有以皮幣
珠玉而不得免者
况一璧乎歸趙何
益是時宋輸女直
金帛多矣不知又
何益也龜山此論
豈其未見靖康之
後事耶

如相如至謂秦王曰秦自繆公以來二十餘君未
嘗有堅明約束者也臣誠恐見欺於王而負趙故
令人持璧歸閒至趙矣且秦疆而趙弱大王遣一
介之使至趙趙立奉璧來今以秦之疆而先割十
五都予趙趙豈敢留璧而得罪於大王乎臣知欺
大王之罪當誅臣請就湯鑊唯大王與羣臣孰計
議之秦王與羣臣相視而嘻索隱曰音希嘻乃左
驚而怒之辭也
右或欲引相如去秦王因曰今殺相如終不能得
璧也而絕秦趙之驩不如因而厚遇之使歸趙趙
王豈以一璧之故欺秦邪卒廷見相如果禮而歸

王實謂藺相如
公謂藺相如
某中曰子夏太

之相如既歸趙王以為賢大夫使不辱於諸侯拜
相如為上大夫秦亦不以城予趙趙亦終不予秦
璧其後秦伐趙拔石城徐廣曰惠文王十八年
索隱曰劉氏云蓋謂石邑
也正義曰故石城在相
州林慮縣南九十里也明年復攻趙殺二萬人
秦王使使者告趙王欲與王為好會於西河外澠
池索隱曰在西河之南故云外
案表在趙惠文王二十里趙王畏秦欲毋行
廉頗藺相如計曰王不行示趙弱且怯也趙王遂
行相如從廉頗送至境與王訣曰王行度道里會
遇之禮畢還不過三十日三十日不還則請立太
子為王以絕秦望王許之遂與秦王會澠池徐廣
曰二

按相如澠池之
會如請秦王擊
既如召趙御史

史記卷八十一 廉頗藺相如列傳

書如請咸陽為
壽一一與之相
匹無纖毫挫於
秦一時勇敢之
氣直足以號秦
人之魄者太史
公每於此等處
更著精神

茅坤曰予覽太史
公描寫相如事即
王摩詰詩益相似

秦王飲酒酣曰寡人竊聞趙王好音請奏瑟趙
王鼓瑟秦御史前書曰某年月日秦王與趙王會
飲令趙王鼓瑟藺相如前曰趙王竊聞秦王善為
秦聲請奉盆缶秦王以相娛樂風俗通義曰缶者瓦器所以盛酒漿
秦人鼓之以節歌也。索隱曰缶音缶。正義曰缶音併。秦王怒不許於是相
如前進缶因跪請秦王秦王不肯擊缶相如曰五
步之內相如請得以頸血濺大王矣正義曰濺音贊左右
欲刃相如相如張目叱之左右皆靡於是秦王不
懌為一擊缶相如顧召趙御史書曰某年月日秦
王為趙王擊缶秦之羣臣曰請以趙十五城為秦

王壽藺相如亦曰請以秦之咸陽為趙王壽秦王
竟酒終不能加勝於趙趙亦盛設兵以待秦秦不
敢動既罷歸國以相如功大拜為上卿位在廉頗

之右

索隱曰王劭按董勛答禮曰職高者名錄在上於人為右職卑者名錄在下於人為左是

以位下遷為左。正義曰秦漢以前用右為上廉頗曰我為趙將有攻城

野戰之大功而藺相如徒以口舌為勞而位居我

上且相如素賤人吾羞不忍為之下宣言曰我見

相如必辱之相如聞不肯與會相如每朝時常稱

病不欲與廉頗爭列已而相如出望見廉頗相如

引車避匿於是舍人相與諫曰臣所以去親戚而

茅坤曰以相如之
矣猶出身宜暨及
使虎狼之秦如視
嬰孩願避廉頗者
重趙故也相如所
見豈下廉頗哉

事君者徒慕君之高義也。今君與廉頗同列，廉君
宣惡言而君畏匿之，恐懼殊甚。且庸人尚羞之，況
於將相乎？臣等不肖，請辭去。藺相如固止之，曰：公
之視廉將軍，孰與秦王？曰：不若也。相如曰：夫以秦
王之威而相如廷叱之，辱其羣臣，相如雖駑，獨畏
廉將軍哉？顧吾念之，彊秦之所以不敢加兵於趙
者，徒以吾兩人在也。今兩虎共鬪，其勢不俱生。吾
所以為此者，以先國家之急而後私讎也。廉頗聞
之，肉袒負荊，負荊者，荊楚也。可以為鞭也。因賓
客至藺相如門謝罪，曰：鄙賤之人，不知將軍寬之

按以下錯紀相
如廉頗功業

按此傳只叙相
如完壁擊鉞二
事而廉頗獨以
戰功稱最却於
始末處略叙數
句見之極得錯
綜輕重之法

至此也。卒相與驩為刎頸之交。索隱曰：崔浩云：要齊生皮而刎頸無

也。是歲廉頗東攻齊，破其一軍。居二年，廉頗復伐

齊，幾拔之。徐廣曰：幾，邑名也。案趙世家：惠文王二

十三年，頗將攻魏之幾邑，取之而齊世家及年表無伐齊幾拔之事，疑幾是邑名，而或屬

齊或屬魏耳。田單在齊不得至於拔也。索隱曰：世家與此列傳合而戰國策云：秦敗閼與，反攻魏

幾是幾亦屬魏。故裴駙云：或屬齊屬魏也。正義曰：正義

曰：幾音祈，在相路之間。後三年，廉頗攻魏之防陵。

徐廣曰：一作房子。索隱曰：案防陵在楚之西，屬漢中郡。魏有房子，蓋

陵字誤也。正義曰：城在相州安陽縣南二十里。因防水

為名。安陽拔之。後四年，藺相如將而攻齊。至平
邑而罷。正義曰：故城在魏州昌樂縣東北三十里。其明年，趙奢破秦軍
閼與下。

按此起用前例

余有丁曰奢趙名將又括代頗趙敗

幾亡故附入之

按此傳前叙趙奢事後段叙括

之死于秦頗之奔于魏以附之

揔見趙將亡之兆云

蘇洵曰遷之傳廉頗也叙救闕與之失不載焉見之趙奢傳其與善也不亦隱而彰乎

趙奢者趙之田部吏也。收租稅而平原君家不肯

出。趙奢以法治之。殺平原君用事者九人。平原君

怒將殺奢。奢因說曰。君於趙為賢公子。今縱君家

而不奉公。則法削。法削則國弱。國弱則諸侯加兵。

諸侯加兵。是無趙也。君安得有此富乎。以君之賢。

奉公如法。則上下平。上下平則國彊。國彊則趙固。

而君為賢戚。豈輕於天下邪。平原君以為賢。言之

於王。王用之。治國賦。國賦太平。民富而府庫實。秦

伐韓軍於闕。與王召廉頗而問曰。可救不。對曰。道

遠險狹難救。又召樂乘而問焉。樂乘對如廉頗言。

又召問趙奢。奢對曰。其道遠險狹。譬之猶兩鼠鬪

於穴中。將勇者勝。王乃令趙奢將救之。兵去邯鄲

三十里。而令軍中曰。有以軍事諫者死。秦軍軍武

安西。徐廣曰屬魏郡在邯鄲西秦軍鼓譟勒兵。武安屋瓦盡振。

軍中候有一人言急救武安。趙奢立斬之。堅壁留

二十八日不行。復益增壘。秦間來入。趙奢善食而

遣之間。以報秦將。秦將大喜曰。夫去國三十里。正義

曰國謂邯鄲趙都也而軍不行。乃增壘。闕與非趙地也。趙奢

既已遷秦間。乃卷甲而趨之。二日一夜至。令善射

者去闕與五十里。而軍軍壘成。秦人聞之。悉甲而

茅坤曰不欲人諫者絕軍中諱言也

史記卷八十七 廉頗藺相如列傳

茅坤曰厚集其陣者嚴肅其部伍使敵不得卒犯也戒當卷甲而趨之後也

按奢不用前令故云胥後令

茅坤曰據高以凌下勢順而便利也

至軍士許歷請以軍事諫趙奢曰內之許歷曰秦

人不意趙師至此其來氣盛將軍必厚集其陣以

待之不然必敗趙奢曰請受令許歷曰請就鈇質

之誅趙奢曰胥後令索隱曰案胥須古人通用今者胥後令謂胥為須須者待

也待後令謂許歷之言更不擬誅之故更待後令也○正義曰胥猶須也軍去城都三十里而不行

未有計過險狹恐人諫令急救武安乃出此令今垂戰須得謀策不用前令故云須後令也

邯索隱曰邯鄲二字當為欲戰謂臨戰之時許歷復諫也王粲詩云許

歷為完士一言猶敗秦是言趙奢用其計遂破秦軍也江遂曰漢令稱完而不髡曰耐是完士未免

從軍也正義曰關與山在洛州武安縣西南五十里趙

奢拒秦軍於關與即此山也案括地志云言拒秦軍在此山疑其太近洛州既去邯鄲三十里而軍



按三人同功一体

又云移之二日一夜至關與五十里而軍壘城據今洛州去潞州三百里間而隔相州恐潞州關與

聚城是所拒據處後至者敗趙奢許諾即發萬人趨之秦

兵後至爭山不得上趙奢縱兵擊之大破秦軍秦

軍解而走遂解關與之圍而歸趙惠文王賜奢號

為馬服君以許歷為國尉趙奢於是與廉頗藺相

如同位後四年趙惠文王卒子孝成王立七年秦

與趙兵相距長平時趙奢已死張華曰趙奢冢在邯鄲界西山上謂

之馬服山而藺相如病篤趙使廉頗將攻秦秦數敗趙

軍趙軍固壁不戰秦數挑戰廉頗不肯趙王信秦

之間秦之間言曰秦之所惡獨畏馬服君趙奢之

洪邁曰趙括之不
宜為將其父以為
不可其母以為不
可大臣以為不可
秦王知之相應侯
知之將白起知之
獨趙王以為可以
故用之而敗也
按相如與括毋
所論各據其一
短相如謂括不
知變合毋謂括
惟利私家夫變
合不知必無勝
算私家利則不
能與士卒同甘
苦此括所以不
可將也趙王不
聽固欲用之遂

子趙括為將耳。趙王因以括為將，代廉頗、藺相如。曰：王以名使括，若膠柱而鼓瑟耳。括徒能讀其父書傳，不知合變也。趙王不聽，遂將之。專言趙括趙括自少時學兵法，言兵事以天下莫能當。嘗與其父奢言兵事，奢不能難，然不謂善。括母問奢其故，奢曰：兵死地也，而括易言之。使趙不將括，即已。若必將之，破趙軍者必括也。及括將行，其母上書言於王曰：括不可使將。王曰：何以對？曰：始妾事其父，時為將，身所奉飯飲而進食者以十數。正義曰：奉音捧。所友者以百數。大王及宗室所賞賜者盡以予軍吏士大夫，受

使數十萬生靈
悉塗炭于長平
之下而趙幾危
矣吁信間之害
可勝懼哉

命之日不問家事。今括一旦為將，東向而朝，軍吏無敢仰視之者。王所賜金帛，歸藏於家，而日視便利田宅，可買者買之。王以為何如其父，父子異心。願王勿遣。王曰：母置之，吾已決矣。括母因曰：王終遣之，即有如不稱，妾得無隨坐乎？王許諾。趙括既代廉頗，悉更約束，易置軍吏。秦將白起聞之，縱奇兵佯敗走，而絕其糧道，分斷其軍為二。士卒離心，四十餘日，軍餓。趙括出銳卒自搏戰，秦軍射殺趙括。括軍敗，數十萬之眾遂降秦。秦悉阬之。趙前後所亡凡四十五萬。明年秦兵遂圍邯鄲，歲餘幾不

茅坤曰以下廉頗本末當入廉頗傳而願入此者以趙將自奢而下次復廉頗亡廢用括亡死復用廉頗亡免復樂乘亡與頗走復任李牧此趙始末次第而可以前廉頗隨相如者兩人為一傳故不及併入也

得脫賴楚魏諸侯來救乃得解邯鄲之圍趙王亦以括母先言竟不誅也自邯鄲圍解五年而燕用栗腹之謀曰趙壯者盡於長平其孤未壯舉兵擊趙趙使廉頗將擊大破燕軍於鄣殺栗腹遂圍燕燕割五城請和乃聽之趙以尉文封廉頗為信平君索隱曰信平號也徐廣曰尉文邑名也按漢書表有尉文節侯云在南郡蓋尉官也文名也謂取尉文所食之邑復以封頗而號為信平君也為假相國廉頗之免長平歸也失勢之時故客盡去及復用為將客又復至廉頗曰客退矣客曰吁君何見之晚也夫天下以市道交君有勢我則從君君無勢則去此固其

公勒門長平之更移于冠軍魏其之廢而其門益落任昉逝而其後莫恤古今交態居然不獨廉頗也

理也。有何怨乎。居六年。趙使廉頗伐魏之繁陽。徐廣曰屬魏郡。正義曰在相州內黃縣東北也。拔之。趙孝成王卒。子悼襄王立。使樂乘代廉頗。廉頗怒。攻樂乘。樂乘走。廉頗遂奔魏之大梁。其明年。趙乃以李牧為將而攻燕。

拔武遂方城。索隱曰地理志武遂屬河間國方城廣陽也。正義曰武遂易州遂城也。廉頗居梁久之。魏不能信用。趙以

數困於秦兵。趙王思復得廉頗。廉頗亦思復用於趙。趙王使使者視廉頗。尚可用否。廉頗之仇郭開多與使者金。令毀之。趙使者既見廉頗。廉頗為之一飯斗米。肉十斤。被甲上馬。以示尚可用。趙使還

按馬援據鞍矍
錄李靖雖老猶
堪一行與廉頗
意同

楊慎曰冷語收煞
妙

按此起亦用前
例

報王曰廉將軍雖老尚善飯然與臣坐頃之。三遺

矢矣。索隱曰謂數起便也矢一作屎趙王以為老遂不召楚聞廉

頗在魏陰使人迎之廉頗一為楚將無功曰我思

用趙人廉頗卒死于壽春。正義曰廉頗墓在壽春縣北四里藺相如墓在

邯鄲西南六里

李牧者趙之北邊良將也常居代鴈門備匈奴。正義

曰今鴈門縣在代地故云鴈門也以便宜置吏市租皆輸入莫府

如淳曰將軍征行無常處所在為治故言莫府莫大也。索隱曰如淳解莫為大非也崔浩云古者

出征為將帥軍還則罷理無常處以幕常為府署故曰莫府則莫當作幕字之誤也為士卒

費日擊數牛饗士習射騎謹烽火多間諜。索隱曰上紀蒐

反下音牒厚遇戰士為約曰匈奴即入盜急入收保有

敢捕虜者斬匈奴每入烽火謹輒入收保不敢戰

如是數歲亦不亡失然匈奴以李牧為怯雖趙邊

兵亦以為吾將怯趙王讓李牧李牧如故趙王怒

召之使他人代將歲餘匈奴每來。反前不敢戰出戰數不

利失亡多邊不得田畜。正義曰許六反復請李牧牧杜門

不出固稱疾趙王乃復彊起使將兵牧曰王必用

臣臣如前乃敢奉令王許之李牧至如故約匈奴

數歲無所得終以為怯邊士日得賞賜而不用皆

願一戰於是乃具選車得千三百乘選騎得萬三

凌約言曰李牧日
擊數牛享士而不
敢用王讓之如
故及使他人代之
再至亦如故約兵

法云守如處女距
如脫兔牧其庶幾

茅坤曰張左右翼
兵訣之最也

千匹。百金之士五萬人

管子曰能破敵
擒將者賞百金

殺者十萬

人

索隱曰穀音古候
反穀謂能射也

悉勒習戰。大縱畜牧。人民滿

野。匈奴小入。佯北不勝。以數千人委之。

索隱曰委
謂弃之恣

單于聞之。大率眾來入。李牧多為奇陳。張左

右翼擊之。大破殺匈奴十餘萬騎。滅檐檻。

檐都其
反檻路

破東胡。降林胡。單于奔

走。其後十餘歲。匈奴不敢近趙邊城。趙悼襄王元

年。廉頗既亡。入魏。趙使李牧攻燕。拔武遂方城。居

二年。龐煖破燕軍。殺劇辛。

索隱曰煖即馮煖也。龐
音皮。江反煖音況。遠反

後七年。秦破趙。殺將扈輒於武遂。

又音喧。劇辛本
趙人仕燕者

城。斬首十萬。趙乃以李牧為大將軍。擊秦軍於宜

安。大破秦軍。走秦將相齧。

封李牧為武安君。居三年。秦攻番吾。

李牧擊破秦軍南

距韓魏。趙王遷七年。秦使王翦攻趙。趙使李牧司

馬尚禦之。秦多與趙王寵臣郭開金為反間言。李

牧司馬尚欲反。趙王乃使趙蔥及齊將顏聚代李

牧。李牧不受命。趙使人微捕得李牧。斬之。廢司馬

尚。後三月。王翦因急擊趙。大破。殺趙蔥。虜趙王遷。

王應麟曰趙使樂
乘代庶頗也怒攻
樂乘使趙葱顏聚
代李牧也不受命
此非為將之法頗
牧特戰國之將耳
易之師曰行險而
順

余有丁曰此傳叙
趙之存亡係相如
頗拔之去留死生

故言李牧誅及王
遷虜以終之

及其將顏聚遂滅趙。

太史公曰。知死必勇。非死者難也。處死者難。方蘭

相如引璧睨柱。及叱秦王左右。勢不過誅。然士或

怯懦。索隱曰。一而不敢發。相如一奮其氣。威信敵

國。索隱曰。信音申。退而讓頗。名重太山。其處智勇。可謂兼

之矣。

索隱述贊曰。清飈凜凜。壯氣能熊。各竭誠義。遍為雌雄。和璧聘返。澠池好通。負荆知懼。屈節推

工安邊定策。頗牧之功。

蘇子古史曰。藺相如非戰國之士也。以死行義。不屈於強秦。以禮為國。不校於廉頗。其處剛柔。進退之際。類學道者。使居平世。可以為大臣矣。非戰國之士也。廉頗李牧皆以將亡之趙抗方

與之秦。其為力艱矣。卒以其用舍為趙之存亡。趙能用之而不能終之。悲夫。

黃震曰。藺相如庭辱強秦之君。而引車避廉頗。廉頗以勇氣聞諸侯。而肉袒謝相如。

先公後私。分前憾。皆烈丈夫也。勇怯各得其所矣。然先之者相如也。趙奢治賦不

少貸平原君之家。而平原君因薦之王。而用之。君子不多奢之刑法。自近而多平原

君之。以公滅私也。括輕易取敗。無足道。括母言。父子異心之狀。可謂得觀人之法。李

牧養威持重。戰無不勝。與頗齊名。而頗牧皆廢於讒人。郭開之口。趙之亡。忽焉悲夫。

又曰。太史公作廉頗藺相如傳。而附之趙奢。李牧。趙之興亡。著焉。一時烈丈夫。英風

偉。繫令人千載興起。而史筆之妙。開合變化。又足以曲盡形容。奇哉。

史記評林卷之八十一

終

開合變州又及以曲盡計容育楚
衛渠令人平津與賦而史筆之
審李外賦之豐公著焉一即於大夫英風
又曰太史公亦與賦而亦於大夫英風
昔察賦對人後開之口賦之公必謂其夫
其言父于異以文米阿歸野贈人之去李
其文以公賦林也林傳思再想時以去李
少貧平風林女寒而平以去而平平
其其賦矣然其文昔林賦也賦亦亦不
夫公對林合夜有制昔然大夫也與
黃賦曰賦林也與承開結氣而肉野而賦
其用舍為賦

史記評林卷之八十二

吳興凌稚隆輯校

田單列傳第二十二

田單者齊諸田疏屬也。索隱曰單音丹湣王時單為臨菑

市掾不見知。及燕使樂毅伐破齊。齊湣王出奔。已

而保莒城。燕師長驅平齊。而田單走安平。徐廣曰今之東

安平也在青州臨菑縣東十九里古紀之鄆邑齊
改為安平秦滅齊改為東安平縣屬齊郡以定州

有安平故加東字。索隱曰令其宗人盡斷其車

軸末而傅鐵籠。徐廣曰傅音附。索隱曰斷音都
緩反斷其軸恐長相撥也。以鐵裹

軸頭堅而易進也。傳者截其軸與轂齊以鐵鑠附
軸末施轄於鐵中以制轂也。方言曰車轄齊謂之

籠郭璞云已而燕軍攻安平。城壞。齊人乘塗以

閱如霖曰以不見
知三字起文勢自
當如是

按此傳宣言三
縱反間二見田
單將略全是以
奇勝人

轉折車敗。徐廣曰轉車為燕所虜。唯田單宗人以
鐵籠故得脫。東保即墨。燕既盡降齊城。唯獨莒即
墨不下。燕軍聞齊王在莒。并兵攻之。淖齒既殺濬
王於莒。徐廣曰多因堅守距燕軍數年不下。燕引
兵東圍即墨。即墨大夫出與戰。敗。城中相與推
田單曰。安平之戰。田單宗人以鐵籠得全。習兵。立
以為將軍。以即墨距燕項之。燕昭王卒。惠王立。與
樂毅有隙。田單聞之。乃縱反間於燕。宣言曰。齊王
已死。城之不拔者二耳。樂毅畏誅而不敢歸。以伐
齊為名。實欲連兵南面而王齊。齊人未附。故且緩

蘇軾曰田單使人
食必祭以致鳥為
又設為神師皆近
兒戲無益于事蓋
先以疑似置人心
腹中則夜見火牛
託文足以駭動取
一時之勝此其本
意也
茅坤曰田單將兵
起自卒伍故必為
計以自神與陳涉
吳廣之意同

攻即墨以待其事。齊人所懼。唯恐他將之來。即墨
殘矣。燕王以為然。使騎劫代樂毅。樂毅因歸趙。燕
人士卒忿。而田單乃令城中人食必祭其先祖於
庭。飛鳥悉翔舞城中。下食。燕人怪之。田單因宣言
曰。神來下教我。乃令城中人曰。當有神人為我師。
有一卒曰。臣可以為師乎。因反走。田單乃起引還
東鄉坐。師事之。卒曰。臣欺君。誠無能也。田單曰。子
勿言也。因師之。每出約束。必稱神師。乃宣言曰。吾
唯懼燕軍之劓所得齊卒置之前行。正義曰與我
戰。即墨敗矣。燕人聞之。如其言。城中人見齊諸降

黃震曰田單守即墨使妻妾編于行伍間此李同教平原君之故智也

者盡剽皆怒堅守唯恐見得單又縱反間曰吾懼燕人掘吾城外冢墓僂先人可為寒心燕軍盡掘龍墓燒死人即墨人從城上望見皆涕泣其欲出戰怒自十倍田單知士卒之可用乃身操版插索隱曰操音七高反插音初洽反○與士卒分功妻妾正義曰古之軍行常負板插也編於行伍之間盡散飲食饗士令甲卒皆伏使老弱女子乘城遣使約降於燕燕軍皆呼萬歲田單又收民金得千溢令即墨富豪遺燕將曰即墨即降願無虜掠吾族家妻妾令安堵燕將大喜許之燕軍由此益懈田單乃收城中得千餘牛為絳繒

董份曰田單即墨之戰固奇太史公叙其事亦善狀如親見火牛觸燕軍而披靡者閃如霖曰火牛計固奇然以齊人之怒燕師之懈故此取勝耳太史公寫得節次委曲

衣畫以五彩龍文束兵刃於其角而灌脂束葦於尾燒其端鑿城數十穴夜縱牛壯士五千人隨其後牛尾執怒而奔燕軍燕軍夜大驚牛尾炬火光明炫燿燕軍視之皆龍文所觸盡死傷五千人因銜枚擊之而城中鼓譟從之老弱皆擊銅器為聲聲動天地燕軍大駭敗走齊人遂夷殺其將騎劫燕軍擾亂奔走齊人追亡逐北所過城邑皆畔燕而歸田單兵日益多乘勝燕日敗亡卒至河上索隱曰齊之北界近河東蓋齊舊地也而齊七十餘城皆復為齊乃迎襄王於莒入臨菑而聽政襄王封田單號曰安平

君。索隱曰單初起安平故以為號

太史公曰兵以正合以奇勝。魏武帝曰先出合戰為正後出為奇也

者當敵奇兵擊不備。索隱曰奇謂權詐也。注引魏武蓋亦軍令也。善之者出奇無

窮。索隱曰兵不厭詐故云善之出奇無窮謂權變多也。奇正還相生。正義曰當猶合

也言正兵當陣張左右翼掩其不備則奇正合敵敵也。如環之無端。索隱曰

之術或用奇計使前敵不可測量如尋環中不知端際也。夫始如處女適人開

戶。徐廣曰適音敵。索隱曰言兵始如處女之軟弱則敵人輕侮開戶不為備。正義曰敵人謂後如

燕軍也言燕軍被田單反間易將及被卒燒壟墓而令齊卒甚怒是敵人為單開門戶也。後如

脫兔適不及距。魏武帝曰如女示弱脫兔往疾也。索隱曰克捷之後卷甲而趨有其田單之謂邪。

如兔之得脫而疾走也敵不及距者若脫兔忽過而敵忘其所距也。

按處女脫兔語出孫子九地篇與太史公所謂先見弱于敵而後戰同意

按論後更復綴此正所謂浮雲斷雁者

本作淖初悼齒之殺湣王也。莒人求湣王子法章得之太

史媵之家。正義曰媵音皎為人灌園。媵女憐而善遇之後

法章私以情告女。女遂與通。及莒人共立法章為

齊王。以莒距燕。而太史氏女遂為后。所謂君王后

也。燕之初入齊。聞畫邑人王蠋賢。劉熙曰齊西南近邑畫音獲。

索隱曰畫音胡卦反蠋音觸亦音歎。正義曰括地志云戟里城在臨淄西北三十里春秋時棘邑又云澹邑蠋所居即此邑因澹水為名也。令軍中曰環畫邑三十里無

入。以王蠋之故。已而使人謂蠋曰齊人多高子之

義。吾以子為將。封子萬家。蠋固謝。燕人曰子不聽

吾引三軍而屠畫邑。王蠋曰忠臣不事二君。貞女

茅坤曰太史公作列傳七十傳節義者僅伯夷耳若王蠋則以附見齊田單傳後豈數千百年之間義士忠臣凋喪至此耶太史公所嚮慕者在彼而不在此故遂零落也悲夫

吾引三軍而屠畫邑。王蠋曰忠臣不事二君。貞女

董份曰觀所叙王蠋事則是以齊存亡繫一布衣其推蠋至矣孰謂太史公退節義耶

不更二夫。齊王不聽吾諫，故退而耕於野。國既破亡，吾不能存。今又劫之以兵，為君將，是助桀為暴也。與其生而無義，固不如烹。遂經其頸於樹枝，自奮絕脰而死。索隱曰：經猶擊也。何休云：脰，頸。齊語也。音豆。齊亡大夫聞之曰：王蠋布衣也，義不北面於燕，況在位食祿者乎。乃相聚如莒，求諸子立為襄王。

索隱述贊曰：軍法以正實尚奇，兵斷軸自免反間。先行羣鳥惑眾，五牛揚旌卒破騎劫，皆復齊城。襄王嗣位，乃封安平。

蘇子古史曰：樂毅以全燕之兵兼強齊之眾，棲田單于即墨，諸侯之救不至，使天祚燕昭王不死。樂毅不亡，田單雖智，要之歲月，兵殘食盡，齊之亡可立而待也。然單兵不滿萬人，堅守二城。

以抗百倍之師，相持五年而無可乘之隙，遷延稽故以須天命之復，可不謂智過人哉。

邵經邦曰：毅之剋破七十餘城而兩城不能拔，其故何歟？曰：燕齊之禍久矣，其始也罪止一子之耳，固無與于其宗廟社稷也。其終也罪止一潛王耳，亦無與於其宗廟社稷也。使誅一子之求，其所以代子之者固不為齊有也；戮一潛王，求其所以代潛王者亦不為燕有也。柰之何？二國之不然也。其伐之也不以置君為重，而以全燕為利，故其報之也亦不以好還為念，而以必得為功。使如孟子之言，則且無樂毅之事而何莒即墨之云哉。

史記評林卷之八十二終

終

平不而無而乘之鄭

Vertical columns of text, likely bleed-through from the reverse side of the page.

